

QVÆSTIO MEDICA

CARDINALITIIS DISPVATIONIBVS

MANE DISCVTIENDA

IN SCHOLIS MEDICORVM

die Mercurij 24. Martij,

M. IACOBO GAVOIS,

DOCTORE MEDICO, PRÆSIDE.

An æstate fugacium fructuum esus innoxius?

I.

OPTIMA quæque temperies non parum labefactatur immoderatâ tempestatum anni constitutione: ab hyeme gelidissimâ ad ferventissimam æstatem, rursus ad hyemem circuitus est, ut homo totâ ætate alternante caloris & frigoris intemperie jactatus, alterutrus exuperantiâ subinde decidat à salubri statu. Hinc morborum numerus innumerus, suæ quique tempestatî familiaris. Æstas cum primis morborum ferox; illa siquidem in Europâ immodico calore gravis: Sæpius ingeminat fervorem sirium sidus, cujus exortu aër accensus lata læta vehementiore æstu perurit. Caloris vim ægrè tolerat corpus humanum, urbanorum præsertim, quorum mollior habitus textura impatibili penè solvitur ardore. Tunc temporis æstuant omnibus præcordia, spiritus accenduntur, effervescent humores, bilis maximè propter affinem aëri temperiem faciliè incandescit: sanguis fugit venis, quæ resiccata attrahunt ad se se biliosos ichores: hi verò ambientis fervore plus satis incallescunt, ardentibus febres progenerant: Cæterarum pariter febrium genus omne vagatur, continuarum, inter-

mittentium : rheumatismi etiamnum sæviunt acrius perfluentibus hac illac, quos venæ ebiberant, malignis ichoribus, atque in articulos vel spatia musculorum vacua vel membranam communem effusis.

I I.

ÆSTVOSA cœli intemperies cutis spiramenta laxans, & quidquid spirituum ac sanguinis corporibus est exuens functiones hominis propè omnes evertit. Acris ferventium humorum vapor cerebrum irritans excutit somnum: cor frigidior aurâ pro more minimè recreatum, æstus impatientiâ plurimum fatigatur: ventriculi fatiscit appetentia: cibi immutato illius calore deterius perficiuntur: inde cruditas multa, multa quoque bilioforum humorum colluvies in fervidis visceribus colligitur, quæ in venas & in habitum corporis eversa vitiosam nutritionem efficit; unde corpus nec promptum & alacre, nec vivido colore floridum, sed vel pallido vel citrino squallidum apparet. Alvo præterea duriore, neque urinis ex voto fluentibus, geminatur in vasis impuritas semen postmodum futura gravium morborum. Quare languente nativo calore, corruptoque alibili succo, plurimus virium languor subsequitur, cum spontaneâ corporis gravitate ac dissolutione. Tum fastiditis solidioribus cibis, qui alimentum optimum sustentandis viribus suppeditare possent, urgente siti implacabili, potus quæritur ingeriturque agonisticè, mirisque artibus extinguendo fervori frigidior apparatus: glacies vocatur in auxilium, cujus tamen usus nisi naturæ calidioribus diebus ferventissimis non innoxius censeretur: vino quidem permixta salubrior est, & extinguendis ardoribus summis, præcavendisque malignis febribus accommodatior: alioquin soli Dionysio Medico operam dare in domo licet opacè periculosum.

I I I.

FRUCTIVVM quidam fugaces dicuntur, quod minimè durabiles, decerptique citissimam sentiant corruptionis labem: hos Græci *ἀγίστοι* vocant, adulto scilicet vere vel æstate maturescentes, veluti cerasa, præcocia, mora, pruna, persica, uvæ, ficus: quæ ab arboribus petuntur; fraga, cucumeres & melopepones è plantis. Eorum sanè usum solis hominibus à naturâ concessum, atque ideo salutarem esse du-

bitandum non est, ut qui blandissimis saporibus non solum grati, sed etiam odoratu aspectuque jucundissimi sint. Nutriunt leviter, proque indole sua frigidum, humidum, tenuemque succum subministrant, unde precipue refrigerant & humectant; stomachi tædia discutiunt, quæ commoda nullo tempore convenientiora quam æstatis calidissimo, quando fastidio, siti, ardore ac bile fervida laberatur. Modus tamen ut in cæteris eduliis est adhibendus, non enim tam naturæ suæ quam immodico usu ac præpostero insalubres sunt æstimandi: mali si nimij, si impuro stomacho committantur, vel sequantur alios cibos: meliores primæ mensæ uberiùsque refrigerant: optimi si vino macerati, vel ipsis in ventriculum præmissis meracum superveniat, vel etiam inter edendum, solidioribus elcic intermiscantur: sic fastiditis carnibus gratiam dabunt, & perfectiùs uterque cibus conficietur. Qui æstu graviore laboræ multo fuerit fatigatus, inutiliter nisi aqua vel glacie refrigeratos edet: ita frigus eorum, quod quidam perpaucum habent, augebit, facili corruptione occurret, parabitque cibum æstuoso cælo suavissimum ac maxime salutarem. Ante cuncta bene maturi sumendi sunt, maturitas à natura contingat, qui palea coguntur maturefcere damnantur.

I V.

FVGACIVM fructuum esu ventriculi calor aëris fervore solutus & languescens, maxime recreatur, demiturque simul cum calore corporis squallor eorum frigiditate atque humiditate. Illi siquidem ingestam aliunde in ventriculum, aut quam ipse quoque generaverit, repressam attemperant bilem humorem demendæ appetentiæ idoneum, atque ita inter mortuæ vim illius exsuscitant; promoveant concoctionem, quæque tum vehementer excruciat sitim extinguunt, mox quacunque permeant, præcordiorum, jecoris, renum & cæterarum quæ apparant cibos partium remittunt ardorem: lubricoque meatu viam faciliem aliis cibis sternentes, molliendo detergendoque collectam in illis biliosam illuviem dejiciunt, urinasque cient: unde subductis ferosis humoribus, exhaustaque inferioris regionis impuritate & causi & fluxionum omnium materies absconditur. Succo autem sanguinis unaque corporis ardor febrili vicino diffuso, spirituum sanguinis unaque corporis ardor febrili vicino incendio deferuescit; fatigati cordis levatur labor, cerebrum mitigatæ humorum acrimoniæ leni appulsu frigidioris auræ sopore componitur, insitus calor & humor temperantur, & inhibetur utriusque dissipatio. Proinde restitutæ singulis partibus atque humoribus temperie, functionum omnium creditur alacritas, discutiuntur

corporis languor, roburque illi atque pristinus nitor adjungitur; ut immeritò fructus hi mensis exulent eorum qui sanitatis suæ imperitè studiosi jucundas atque salutare epulas vitæ mortalium damnant, sine quibus mitior vita atque salubrior degi, certè deterior nullo modo potest.

V.

VANA profectò persuasio est & inanis metus, qui de perniciæ fugacium fructuum concipitur, quando infima plebs si annus fuerit pomorum feracissimus, ea ad satietatem usque ingerat, nullo valetudinis damno, nullo subsequenti febris incommodo. Rustici non alio tempore habitiores sunt quàm quo solis ficibus & uvis saturantur. Non pauci præcocia, cucumeres, melopepones, qui veneno proximi creduntur, illa sã valetudine liberalius edunt. Certè succus illorum crudus valde metuendus non est: Aqua frigida usque ad accommodata est hominis naturæ, cruda licet, ut aquæ potiores ferè semper bellè se habeant, paucioribusque morbis conflictentur. Ecce olera alimentorum omnium facitè dererri-ma, Medicorum jussu quodidianos veniunt in usum, magno emolumento sanitatis: illa ipsa nobilium requies lactuca, cujus succus exitialis habetur, non minimo æstuantium stomachi cerebrique solatio comeditur. Porrò mororum sterilitate, vulgata est olivæ podagra, ut ætatis sexusve discrimine nullo sciret atrocius. Quintetiam Medicis auctoribus præcocia, melopepones, odore cardiacis auxiliantur, esu febricitantibus: eorumdem consilio pomis persicis ventriculi sanatur inflammatio: Iulium Pontificem maximum, stomachi vitio prostratum, & ob id edulia cuncta repudiantem, oblatum pomum persicum ad non dubiam vitæ spem feliciter erexit. Et si fugaces fructus adeo vitiosi essent, ut videri volunt, vino rammen maceratis aut benigniori alimento permixtis, perniciofa vis si quæ esset, eriperetur, fieretque cibus calore malè affectis utilis-simus. Revera in alimentis quæ succi bonitate non adeo præstant, Medici modum quemdam adhibentes & ordinem, castigant eorum vitia, & quæ pravitatis aliquid præ se ferre videntur, levi mutatione quidquid utilitatis habent, in humanæ salutis usum convertunt.

Ergo æstate fugacium fructuum esus innoxius.

Proponebat Lutetiæ PHILIPPVS MATHON, Abbavillæ,
A. R. S. H. M. DC. LXXVI.

Ex Typographia FRANCISCI MUGVET, viâ Citharæ.